



**МОНГОЛЫН
ҮНЭТ ЦААСНЫ БИРЖ**
Mongol Securities Exchange



2018

ПАРК ТАУН БОНД



ҮЙЛ АЖИЛЛАГААНЫ ТАЙЛАН

Улаанбаатар-14191, Сүхбаатар дүүрэг, 8-р хороо, Бээжингийн гудамж, GB Plaza, 703 тоот. Вэб: www.msx.mn. И-мэйл: info@msx.mn

Утас: (+976) 7000-0501, (+976) 7000-0502, (+976) 7011-3722

Компанийн тухай

Монголын Үнэт Цаасны Бирж

2015 оны 05 дугаар сард “Дилерүүдийн арилжааны төв” ХХК нэртэйгээр үүсгэн байгуулагдаж, 2015 оны 07 дугаар сард Санхүүгийн зохицуулах хороо (СЗХ)-ны 312 тоот тогтоолоор “Үнэт цаасны арилжааны үйл ажиллагаа эрхлэх, үнэт цаасны тооцооны үйл ажиллагаа эрхлэх” №340/01 тоот тусгай зөвшөөрөл авч, албан ёсоор үйл ажиллагаагаа эхлүүлсэн.

2015 онд хувьцаа эзэмшигчдийн хурлын шийдвэрээр компанийн оноосон нэрийг “Монголын Үнэт Цаасны Бирж” болгон өөрчилснөөс гадна 2017 оны хувьцаа эзэмшигчдийн ээлжит бус хурлаар компанийн хэлбэрийг өөрчилж, хаалттай хувьцаат компани болгох шийдвэр гаргасан байна.

Компани үүсгэн байгуулагдсан цагаас хойш Биржийн үйл ажиллагааг эхлүүлэх техникийн болон хууль эрхзүйн зохицуулалт, боловсон хүчин бэлтгэх, оролцогчдыг сургах гэх мэт бэлтгэл ажлуудыг хийснээс гадна үйл ажиллагаанд мөрдөгдөх дүрэм журмуудыг боловсруулж, СЗХ-гоор батламжлуулсан. Улмаар үнэт цаас гаргагч анхны компаниа бүртгэж, Биржийн арилжааг 2017 оны 4 дүгээр улиралд амжилттай эхлүүлсэн болно.

Үндсэн үйл ажиллагаа

Бүртгэл

Бирж дээр бүртгүүлэх хүсэлт гаргасан компаниудын үйл ажиллагаа, бүрдүүлсэн бичиг баримттай танилцах, тэдгээрийн өргөдлийг шийдвэрлэх, зөвлөгөө өгөх ажиллагаа тогтмол явагдаж байна. Биржийн бүртгэлийн шаардлагын дагуу Бирж дээр бүртгэгдсэн компаниуд нь нийцүүлэгчээрээ дамжуулан зах зээлд тогтмол мэдээ гаргадаг бөгөөд энэ нь тус биржийн давуу талын нэг юм. Компаниудын талаарх мэдээллийг www.market.msx.mn цахим хуудаснаас авах боломжтой.

Биржийн бүртгэлийн үйл ажиллагааны нэг онцлог нь бүртгүүлэх хүсэлт ирүүлсэн компанийг бүртгэх эсэх тухай шийдвэрийг “Бүртгэлийн хороо” Биржээс хараат бусаар хэлэлцэн гаргадаг үйл ажиллагаа юм. Бүртгэлийн хорооны тухай Биржийн цахим хуудасны <https://www.msx.mn/menu-detail/119> холбоосоор үзэх боломжтой.

Энэ онд компанийн бонд (өрийн бичиг) анх удаа Бирж дээр бүртгэгдсэн. Минж Проперти ХХК-ийн өргөдлийг Бирж хүлээн авч шийдвэрлэснээр бүртгэлтэй үнэт цаасны төрөл нэмэгдлээ. Минж Проперти ХХК-ийн “Парк Таун Бонд”-ыг олон нийтэд санал болгон нийт 1 тэрбум төгрөгийг татан төвлөрүүлсэн байна.

Арилжаа

АНХДАГЧ ЗАХ ЗЭЭЛ


СЗХ-ны 2018 оны 11 дүгээр сарын 14-ний өдрийн 340 тоот тогтоол, Биржийн Бүртгэлийн хорооны 2018 оны 06 дугаар сарын 08-ны өдрийн 18/03 тоот тогтоолыг үндэслэн Минж проперти хязгаарлагдмал хариуцлагатай компанийн Парк Таун бондын анхдагч зах зээлийн арилжааг Бирж 2018 оны 12 дугаар сарын 07-ноос 11-ний өдрүүдэд зохион байгуулсан.

Минж Проперти ХХК нь нийт 1 тэрбум төгрөгийг олон нийтээс татан төвлөрүүлсэн бөгөөд анхдагч зах зээлийн арилжаагаар дотоод, гадаадын иргэд, аж ахуй нэгж, брокер, дилерүүдээс нийт 1 тэрбум 180 сая төгрөгийн захиалга ирүүлсэн нь компанийн санал болгосон дүнгээс 18 хувиар давж биелсэн үзүүлэлт байлаа.

ХОЁРДОГЧ ЗАХ ЗЭЭЛИЙН АРИЛЖАА

2018 оны байдлаар нийт 248 өдрийн арилжаа явагдаж, 14,550,100 ширхэг хувьцааг 704,244,340 төгрөгөөр арилжсан байна. Үүнээс энгийн арилжаагаар 6,589,900 ширхэг хувьцаа 292,086,340 төгрөгөөр, багцын арилжаагаар 7,960,000 хувьцаа 412,108,000 төгрөгөөр тус тус арилжигдсан. Тайлант хугацаанд Анд-Энерги ХК-ийн AND хувьцааны дээд ханш 56 төгрөг, доод ханш 37 төгрөг, дундаж үнэ 44.31 төгрөг, хаалтын ханш 40 төгрөг байв. Парк Таун ХХК-ийн РТВ бондын хоёрдогч зах зээлийн арилжаагаар 10,000 төгрөгийн дундаж үнэтэй 6,600 ширхэг бондыг 66,000,000 төгрөгөөр арилжсан байна.

График 1.Хувьцааны арилжааны дүн, арилжигдсан хэмжээ (сая төгрөгөөр, мянган ширхэгээр)



Арилжаанд Бумбат-Алтай ҮЦК, Батс ҮЦК, Зэргэд ҮЦК, Дэлгэрхангай секюритиз ҮЦК, Булган брокер ҮЦК, Монсек ҮЦК, Голомт капитал ҮЦК, Гаүли ҮЦК, Монгол хувьцаа ҮЦК зэрэг компаниуд оролцсоноос хамгийн өндөр үнийн дүн бүхий гүйлгээг Дэлгэрхангай секюритиз ҮЦК ХХК болон Бумбат Алтай ҮЦК ХХК гүйцэтгэжээ.

Хоёрдогч зах зээлийн арилжаанд харилцагч шууд оролцох зориулалт бүхий windows, ios, android үйлдлийн систем дээр ажиллах “Харилцагчийн онлайн захиалгын систем” (OMS, order management system) вэб программыг 2018 оны 04 дүгээр сарын 09-ний өдрөөс үйл ажиллагаандаа амжилттай нэвтрүүлсэн.

Түүнчлэн 2018 оны 04 дүгээр сараас арилжааны нээлт болон хаалтын үеүдэд олон улсад ашиглагддаг үнээр удирдуулсан, захиалгаар удирдуулсан арилжааны хэлбэрүүдийг нэвтрүүлж арилжааг зохион байгуулж байна.

АРИЛЖААНЫ МЭДЭЭ МЭДЭЭЛЭЛ

СЗХ-ны 2018 оны 04 дүгээр сарын 04-ний 142 дугаар тогтоолоор баталсан “Хөрөнгийн зах зээлийн зохицуулалттай этгээдээс мэдээлэл ирүүлэх, түүнд хяналт тавих журам”-ын 2 дугаар бүлгийн 2.1 дэх заалтыг баримтлан долоо хоног бүрийн болон хагас жилийн арилжааны мэдээллийг холбогдох маягтаар бэлтгэн СЗХ-нд хүргүүлдэг. Мөн арилжааны статистик мэдээлэл, үнэт цаасны өсөлт бууралт, зах зээлийн үнэлгээний мэдээллийг сар бүр илгээдэг байсан бол шинээр арилжааны шимтгэл, үнэт цаас гаргагчтай холбоотой ногдол ашиг, ХЭХ-ын мэдээлэл, түүнчлэн долоо хоног бүрийн арилжааны тайлан, гишүүдийн гүйлгээ, ирц, багцын арилжааны мэдээний хамт СЗХ-нд тогтмол хүргүүлж байна.

Арилжааны бодит цагийн болон арилжааны дараах өдөр тутмын мэдээллийг market.msx.mn вэб хуудсаар, арилжааны өдрийн болон долоо хоногийн мэдээг өдөр тутмын “Өдрийн сонин” хэвлэлээр дамжуулан олон нийтэд танин мэдэхүйн мэдээллийн хамт тогтмол хүргэсэн. Мөн www.marketinfo.mn сайттай гэрээ байгуулан арилжааны мэдээлэл бодит цагийн горимд, мөн олон нийтэд санхүүгийн боловсрол олгох үүднээс долоо хоног тутамд инфографик хүргүүлж ажиллав.


АРИЛЖААНЫ ХЯНАЛТ

“Монголын Үнэт Цаасны Биржийн хяналтын журам”, “Дотоод мэдээлэл эзэмшигчийн үйл ажиллагаанд хяналт тавих журам”-ын дагуу Бирж үнэт цаасны мэдээллийн сан бүрдүүлэн, арилжаанд хяналт тавьж ажилладаг. Үнэт цаасны арилжааг онлайнгаар хянах зориулалт бүхий терминалыг СЗХ-ны Үнэт цаасны газарт байршуулан бодит цагийн горимоор хяналтыг хэрэгжүүлж байна.

Төлбөр тооцоо

Биржийн Төлбөр тооцоо, эрсдэлийн удирдлагын алба нь 2018 оны 11 дүгээр сарын 29-ний өдөр Нэрэн клиринг ХХК-тай, 2018 оны 12 дугаар сарын 02-ны өдөр Харз трейд ББСБ ХХК-тай тус тус “Төв клирингийн гишүүнчлэлийн гэрээ”-г шинэчлэн байгууллаа. Биржийн Тооцооны төвөөс өгсөн зөвшөөрлийн дагуу 2018 оны 12 дугаар сарын 31-ний өдрийн байдлаар нийт 1,540,388,680 төгрөгийн төлбөр тооцоо гүйцэтгэгдсэнээс Нэрэн клиринг ХХК 721,167,940 төгрөгийн, Харз трейд ББСБ ХХК 819,220,740 төгрөгийн төлбөр тооцоог гүйцэтгэжээ.

График 2. Төлбөр гүйцэтгэсэн хэлцлийн дүн (сая төгрөгөөр, сараар)



2018 онд нийт 1,987 хэлцэл хийгдсэнээс Анд-Энерги ХК-ийн 10,177,600 ширхэг үнэт цаасны төлбөр 449,033,280 төгрөгийг Т+3 хугацаанд төлөх 649 нээлттэй позиц үүсгэж, позицоо хугацаанд нь бүрэн хаасан байна. Мөн гишүүн компаниуд тооцооны гишүүдтэй 72,152,160 төгрөгийн репо хэлцэл хийжээ.


Эрсдэлийн удирдлага

Биржийн эрсдэлийн удирдлагын үйл ажиллагаа нь дэнчин ашиглан захиалга өгөх, төлбөрийг T+3 хүртэл хугацаанд төлөх, short sell буюу хувьцаа зээлээр худалдахтай холбоотой эрсдэлүүдийг удирдах замаар эхэлсэн бол 2018 оны жилийн эцсийн байдлаар тодорхой нэмэлт ажлууд хийгдэв. Төлбөр тооцоо, эрсдэлийн удирдлагын алба нь эрсдэлийн удирдлагын үйл ажиллагааг нарийн тусгаж журамласан бөгөөд “Эрсдэлийн сангийн журам”-д T+2 зарчимд хамаарах эрсдэлийн үзүүлэлтүүдийг дахин шинэчлэн тооцож үйл ажиллагаандаа мөрдөж байна.

ТӨЛБӨРИЙН ЭРСДЭЛ

Харилцагч үнэт цаасны төлбөрийг урьдчилж бүрэн төлөхгүй, хэлцэл биелснээс хойш 2 хоногт багтаан төлөх тохиолдолд дэнчин (төлбөрийн эрсдэлд учрах хохирлыг бага байлгах зорилгоор урьдчилж байршуулах бэлэн мөнгөний хэмжээ)-г 25 хувь байхаар тогтоосон. Дэнчингийн энэхүү зохицуулалт 2018 онд эрсдэлийг бууруулах, эсхүл хаах хэмжээнд хангалттай байсан эсэхийг дараах графикаас харж болно.

График 3. Ханшийн өөрчлөлт



Графикаас 1 болон 2 өдрийн дотор ханш 25%-аас илүүтэй өөрчлөгдөөгүй нь харагдаж байгаа тул төлбөрийн одоогийн мөрдөгдөж буй дэнчингийн хувь нь эрсдэлийг хаах боломжит хэмжээнд байгааг илтгэж байна. Тус хувийг бууруулж хөрөнгө оруулагчдын урьдчилан байршуулах мөнгийг багасгах боломжтой хэдий ч, энэ нь нөгөө талдаа төлбөрийн эрсдэлийг нэмэгдүүлэх сул талтай.

ЭРСДЭЛИЙН САН

Хэлцэл баталгаажуулалт хийснээс үүсэх төвлөрсөн эрсдэлийг удирдах, хохирлыг барагдуулах зорилготой эрсдэлийн санг байгуулах ажлын судалгаа хийгдсэн бөгөөд брокерын хүчин чадал, мөн хэлцлийн биелэлтэд төвлөрч байгаа эрсдэлд харгалзах эрсдэлийн сангийн зохих хэмжээг тодорхойлох Эрсдэлийн сангийн журмыг 2018 онд баталсан.

ҮНЭТ ЦААСНЫ ЗЭЭЛИЙН ЭРСДЭЛ

Хөрөнгө оруулагчдад репо хэлцэл болон short sell-ийг боломжтой болгохын тулд “үнэт цаасны зээл” хэмээх ойлголтыг нэвтрүүлэх шаардлага гарсан. Энэ хүрээнд зээлийн сан байгуулах, зээлийн сангийн мастер болон дагалдах гэрээг боловсруулах, үнэт цаасны жишиг үнэ тогтоох болон барьцаа хөрөнгийг үнэлэхэд ашиглагдах хорогдуулах хувийг тооцох зэрэг аргачлалыг журамласан. Дурдсан аргачлалуудыг олон улсын жишгээр гүйцэтгэхээр тусгасан болно.

Зах зээлийн зохицуулалт, дүрэм журам

Биржийн үйл ажиллагааны чухал хэсэг нь эрх зүйн зохицуулалт байдаг. Монгол улсын хууль, эрх зүйн орчинд нийцсэн байхаас гадна зах зээлд оролцогчдыг дэмжих, зохицуулалттай зах зээлд оролцох боломжийг хүн бүрт хүртээмжтэй хялбар болгох, өөрийн гишүүдийн үйл ажиллагаанд тогтмол хяналт тавих тогтолцоог бүрдүүлэх нь бидний үндсэн зорилгын нэг. Энэхүү зорилгын хүрээнд бид зах зээлийн зохицуулалтаа үргэлж шинэчлэн сайжруулж байдаг бөгөөд 2018 онд үндсэн үйл ажиллагаатай холбоотой дараах журмуудыг шинээр зохиож, шинэчлэн найруулж, нэмэлт өөрчлөлт оруулан баталж, үйл ажиллагаандаа мөрдөж ажиллаж байна. Үүнд:

- Монголын Үнэт Цаасны Биржийн Бүртгэлийн журамд орсон нэмэлт өөрчлөлт, Арилжааны журам, Гишүүнчлэлийн журам, Тооцооны үйл ажиллагааны журмуудын шинэчилсэн найруулга зэргийг ТУЗ-ийн хурлаар баталж, СЗХ-гоор батламжлуулсан.
- Төлөөлөн удирдах зөвлөл (ТУЗ)-ийн үйл ажиллагааны журмыг шинэчлэн найруулж баталсан ба шаардлагатай өөрчлөлтийг нэмж оруулсан.
- Тайлант хугацаанд Бирж албадын дотоод журмууд, үйл ажиллагааны журмуудыг Гүйцэтгэх захирлын тушаалаар шинээр болон шинэчлэн баталсан. Үүнд: Төлбөр тооцоо, эрсдэлийн

удирдлагын албаны журам, Төлбөр тооцоо, эрсдэлийн удирдлагын албаны дотоод журам, Эрсдэлийн сангийн журам, Бүртгэлийн үйл ажиллагааны журмыг тус тус шинээр баталсан ба Арилжаа мэдээллийн албаны журам, Арилжаа зохион байгуулах журмыг тус тус шинэчлэн найруулж баталсан. Мөн Бүртгэлийн гэрээ болон Бүртгэлийн гэрээний ерөнхий нөхцөлийг шинэчлэн найруулсан.

Гишүүнчлэл

Монголын Үнэт Цаасны Бирж ХК нь арилжааны 10 гишүүнтэй бөгөөд тайлант хугацаанд гишүүнээр элсэх 2 хүсэлтийг хүлээн авч ТУЗ-ийн 2018 оны 10 дугаар сарын 05-ны өдрийн 18/17 тоот тогтоолоор "Монгол хувьцаа ҮЦК" ХХК-ийг Биржийн гишүүнээр элсүүлэхээр шийдвэрлэсэн.

Гишүүд болон харилцагчдад "Онлайн захиалгын систем"-ийг нэвтрүүлсэнтэй холбогдуулан шат дараалсан сургалт зохион байгуулсан бөгөөд Биржийн Арилжааны журам, Гишүүнчлэлийн журмын төслүүдэд гишүүдээс санал авах зорилгоор танилцуулга хийгдсэн болно.

Гишүүн үнэт цаасны компаниудын үйл ажиллагаатай танилцах ажлыг 2018 оны 5 дугаар сарын 21-нээс 25-ны өдрүүдэд зохион байгуулж, гишүүдийн санал хүсэлтийг мөн хүлээн авсан.

Монголын Үнэт Цаасны Бирж ХК-ийн ТУЗ-ийн 2018 оны 04 дүгээр сарын 9-ний өдрийн 12 тоот тогтоолоор шинэчлэн батлагдсан "Гишүүнчлэлийн журам"-ыг СЗХ-ны даргын 2018 оны 08 дугаар сарын 02-ны өдрийн 456 тоот тушаалаар батламжилсантай холбогдуулан 2018 оны 11 дүгээр сарын 14-нөөс 16-ны өдрүүдэд гишүүн үнэт цаасны компани бүртэй ганцаарчилсан уулзалт хийж, шинээр батлагдсан журмуудыг танилцуулж, Гишүүнчлэлийн гэрээг шинэчлэн байгуулав.

ЗАХ ЗЭЭЛ ҮҮСГЭГЧ

Арилжааны идэвхийг дэмжих, арилжаалагдаж буй хувьцааны хөрвөх чадварыг сайжруулах зорилгоор "Монголын Үнэт Цаасны Биржийн арилжааны журам"-ын 6 дугаар бүлэгт заасны дагуу "Дэлгэрхангай секюритис ҮЦК" ХХК-тай "Зах зээл үүсгэх гэрээ"-г 2018 оны 02 дугаар сарын 05-ны өдөр шинэчлэн байгуулсан. Зах зээл үүсгэх гэрээний хавсралт "Тусгай гэрээ"-нд тодорхойлогдсон хугацаанд Зах зээл үүсгэгч нийт 57 удаагийн арилжаанд оролцох байснаас 46 удаад нь оролцон гэрээний нөхцлийг хангалттай биелүүлсэн байна.

Үүнээс гадна “Бумбат Алтай ҮЦК” ХХК-тай 2018 оны 11 дүгээр сарын 16-ны өдөр Зах зээл үүсгэгчийн гэрээ байгуулсан болно.

Систем хөгжүүлэлт, програм хангамж, дэд бүтэц

Монголын Үнэт Цаасны Бирж өнгөрсөн 2 жилийн хугацаанд өөрсдийн арилжаа-клирингийн системийг сайжруулснаас гадна гишүүн мэргэжлийн оролцогчдын харилцагч, хөрөнгө оруулагчдын бие даан арилжаанд оролцох захиалгын систем, мөн гишүүн оролцогчдын арилжааны дараах ажиллагаанд ашиглагдах клирингийн системийн хөгжүүлэлтийг хийсэн.

Одоогийн байдлаар төлбөр тооцооны шинэчилсэн журамд нийцүүлэн гишүүн оролцогчдын клиринг-төлбөр тооцоо хийх систем, харилцагчийн захиалгын менежментийн системийг ашиглалтад оруулаад байна. Дараагийн шатанд системийн хөгжүүлэлтийг улам сайжруулахаар төлөвлөгөө, даалгавар боловсруулан ажиллаж байна.

Маркетинг, олон нийттэй харилцах

- МУИС, Хүмүүнлэг, СЭЗДС, ШУТИС, ХААИС-д Биржийн үйл ажиллагааг танилцуулах, демо арилжаанд оролцох талаар уулзалт-танилцуулга зохион байгуулав.
- МҮХАҮТ-аас зохион байгуулсан компаниудын захирлуудад зориулсан сургалтанд оролцов.
- НҮБ-ын тогтвортой хөгжлийг дэмжигч биржүүдийн санаачлага, FIX-д нэгдэн оров.
- Минж проперти ХХК-ийн Парк таун бондыг олон нийтэд танилцуулах, анхдагч зах зээлийн арилжааны нээлтийн үйл ажиллагааг зохион байгуулав.
- Биржийн цахим хуудас, сошиал медиаг тогтмол хөтөлж, холбогдох мэдээллийг оруулан ажиллаж байна.
- СЗХ-ноос зохион байгуулсан холбогдох журмуудад өөрчлөлт оруулах ажлын хэсэгт орж ажиллав. Үүнд: Бүртгэлийн журам, Давхар бүртгэлтэй холбоотой журам, Бүртгэлтэй компаниудын мэдээлэлтэй холбоотой журам.

Санхүү

Санхүүгийн тайлангууд

Монголын Үнэт Цаасны Бирж ХК нь 2018 онд хаалттай хүрээнд нэмэлт хувьцаа гарган санхүүжилт татсан бөгөөд өмнөх онд хуримтлагдсан зарим өр төлбөр болон үйл ажиллагааны зардлыг санхүүжүүлэхэд нэмэлт хөрөнгө оруулалтыг зарцуулсан.

Санхүүгийн байдлын тайлан /сая төгрөгөөр/

	2017 он	2018 он
ХӨРӨНГӨ		
Мөнгө, түүнтэй адилтгах хөрөнгө	3.82	17.99
Дансны авлага	6.19	10.11
Бусад авлага	87.74	151.34
Бараа материал	4.95	5.28
Урьдчилж төлсөн зардал/тооцоо	60.58	220.69
Эргэлтийн хөрөнгийн дүн	163.28	405.41
Үндсэн хөрөнгө	149.60	119.82
Биет бус хөрөнгө	4,418.39	4,270.28
Бусад эргэлтийн бус хөрөнгө	230.53	229.95
Эргэлтийн бус хөрөнгийн дүн	4,798.51	4,620.05
НИЙТ ХӨРӨНГИЙН ДҮН	4,961.80	5,025.46
ӨР ТӨЛБӨР БА ЭЗДИЙН ӨМЧ		
Дансны өглөг	0.05	0.71
Цалингийн өглөг	100.19	63.11
Татварын өр	9.15	3.88
НДШ-ийн өглөг	-	9.50
Богино хугацаат зээл	160.00	125.82
Хүүний өглөг	-	5.35
Бусад богино хугацаат өр төлбөр	335.34	382.67
Дэнчин, барьцааны өглөг	-	24.93
Богино хугацаат өр төлбөрийн дүн	604.72	602.19
Урт хугацаат зээл	40.00	-
Урт хугацаат өр төлбөрийн дүн	40.00	-
Өр төлбөрийн нийт дүн	644.72	602.19

ҮЙЛ АЖИЛЛАГААНЫ ТАЙЛАН - 2018

Өмч: Хувийн	4,187.00	4,380.50
Нэмж төлөгдсөн капитал	877.00	1,407.50
Хөрөнгийн дахин үнэлгээний нэмэгдэл	231.00	231.00
Эздийн өмчийн бусад хэсэг	50.00	-
Хуримтлагдсан ашиг	(1,027.93)	(1,609.51)
Эздийн өмчийн дүн	4,317.07	4,409.49
ӨР ТӨЛБӨР БА ЭЗДИЙН ӨМЧИЙН ДҮН	4,961.80	5,025.46

Орлогын дэлгэрэнгүй тайлан /сая төгрөгөөр/

Үзүүлэлт	2017 он	2018 он
Борлуулалтын орлого (цэвэр)	0.66	6.63
Борлуулалтын өртөг	-	-
Нийт ашиг (алдагдал)	0.66	6.63
Хүүний орлого	5.51	12.70
Бусад орлого	-	19.90
Ерөнхий ба удирдлагын зардал	334.70	570.66
Санхүүгийн зардал	40.93	47.25
Бусад зардал	0.72	0.75
Гадаад валютын ханшийн зөрүүний олз (гарз)	2.82	(0.87)
Татвар төлөхийн өмнөх ашиг (алдагдал)	(367.36)	(580.31)
Орлогын татварын зардал	0.55	1.27
Татварын дараах ашиг (алдагдал)	(367.91)	(581.58)

Өмчийн өөрчлөлтийн тайлан /сая төгрөгөөр/

	Өмч	Нэмж төлөгдсөн капитал	Хөрөнгийн дахин үнэлгээний нэмэгдэл	Эздийн өмчийн бусад хэсэг	Хуримт- лагдсан ашиг	Нийт дүн
2017.01.01-ний үлдэгдэл	3,670.50	360.50	231.00	70.00	(660.02)	3,671.98
Тайлант үеийн цэвэр ашиг (алдагдал)	-	-	-	-	(367.91)	(367.91)
Өмчид гарсан өөрчлөлт	516.50	616.50	-	(20.00)	-	1,013.00
Дахин үнэлгээний нэмэгдлийн хэрэгжсэн дүн	-	-	-	-	-	-
2017.12.31-ний үлдэгдэл	4,187.00	877.00	231.00	50.00	(1,027.93)	4,317.07
Тайлант үеийн цэвэр ашиг (алдагдал)	-	-	-	-	(581.58)	(581.58)
Өмчид гарсан өөрчлөлт	193.50	530.50	-	(50.00)	-	674.00
2018.12.31-ний үлдэгдэл	4,380.50	1,407.50	231.00	-	(1,609.51)	4,409.49

ҮЙЛ АЖИЛЛАГААНЫ ТАЙЛАН - 2018

Мөнгөн гүйлгээний тайлан /сая төгрөгөөр/


	2017 он	2018 он
Үндсэн үйл ажиллагааны мөнгөн гүйлгээ		
Мөнгөн орлогын дүн (+)	1.16	4.25
Бараа борлуулсан, үйлчилгээ үзүүлсний орлого	1.16	4.25
Бусад мөнгөн орлого	-	1,129.01
Мөнгөн зарлагын дүн (-)	363.24	1,613.86
Ажиллагчдад төлсөн	72.63	124.61
Нийгмийн даатгалын байгууллагад төлсөн	54.57	26.13
Бараа материал худалдан авахад төлсөн	14.53	5.38
Ашиглалтын зардалд төлсөн	86.61	100.51
Түлш, шатахуун, тээврийн хөлс, сэлбэг хэрэгсэлд төлсөн	0.39	1.47
Хүүний төлбөрт төлсөн	42.98	41.90
Татварын байгууллагад төлсөн	15.53	16.79
Даатгалын байгууллагад төлсөн		0.1
Бусад мөнгөн зарлага	75.99	1,296.98
Үндсэн үйл ажиллагааны мөнгөн гүйлгээний дүн	(362.07)	(480.61)
Хөрөнгө оруулалтын үйл ажиллагааны мөнгөн гүйлгээ		
Мөнгөн орлогын дүн (+)	4.56	240.84
Бусдад олгосон зээл, мөнгөн урьдчилгааны буцаан төлөлт	-	236.14
Хүлээн авсан хүүний орлого	4.56	4.70
Мөнгөн зарлагын дүн (-)	520.38	374.15
Үндсэн хөрөнгө олж эзэмшихэд төлсөн	126.52	15.60
Биет бус хөрөнгө олж эзэмшихэд төлсөн	8.39	43.27
Бусдад олгосон зээл болон урьдчилгаа	385.47	315.28
Хөрөнгө оруулалтын үйл ажиллагааны мөнгөн гүйлгээний дүн	(515.82)	(133.31)
Санхүүгийн үйл ажиллагааны мөнгөн гүйлгээ		
Мөнгөн орлогын дүн (+)	962.90	752.95
Зээл авсан, өрийн үнэт цаас гаргаснаас хүлээн авсан	275.90	78.95
Хувьцаа болон өмчийн үнэт цаас гаргаснаас хүлээн авсан	687.00	674.00
Мөнгөн зарлагын дүн (-)	95.50	153.13
Зээл, өрийн үнэт цаасны төлбөрт төлсөн мөнгө	95.50	153.13
Төлсөн ногдол ашиг	-	-
Санхүүгийн үйл ажиллагааны мөнгөн гүйлгээний дүн	867.40	599.82
Валютын ханшийн зөрүү	(1.99)	1.29
Бүх цэвэр мөнгөн гүйлгээ	(12.48)	(12.81)
Мөнгө, түүнтэй адилтгах хөрөнгийн эхний үлдэгдэл	16.30	30.80
Мөнгө, түүнтэй адилтгах хөрөнгийн эцсийн үлдэгдэл	3.82	17.99

Компанийн засаглал, удирдлага

Бүтэц, зохион байгуулалт

Монголын Үнэт Цаасны Бирж ХК-ийн ТУЗ-ийн 2017 оны 09 дүгээр сарын 06-ны өдрийн 20 тоот тогтоолоор байгууллагын бүтэц, орон тоог 5 алба, 25 хүний орон тоотой шинэчлэн баталсан. Тайлант хугацаанд 5 ажилтан шинээр томилогдож, 4 ажилтныг үүрэгт ажлаас нь чөлөөлсөн ба 2018 оны жилийн эцсийн байдлаар 16 үндсэн ажилтны бүрэлдэхүүнтэй үйл ажиллагаагаа явуулж байна.

График 6. Компанийн засаглалын бүтэц



Хувьцаа эзэмшигчдийн хурал

Компанийн тухай хуулийн 59 дүгээр зүйлийн 59.4-т “Хувьцаа эзэмшигчдийн ээлжит хурлыг төлөөлөн удирдах зөвлөлийн шийдвэрээр санхүүгийн жил дууссанаас хойш дөрвөн сарын дотор зарлан хуралдуулна” гэж заасны дагуу тайлант оны 03 дугаар сарын 28-ны өдөр Монголын Үнэт Цаасны Бирж ХК-ийн хувьцаа эзэмшигчдийн ээлжит хурлыг хуралдуулж, Компанийн 2017 оны үйл ажиллагааны болон санхүүгийн тайлангийн талаарх ТУЗ-ийн дүгнэлтийг батлах, ТУЗ-ийн үйл ажиллагааны бүрэн эрхийн хугацаа дууссантай холбогдуулан ТУЗ-ийн бүрэлдэхүүнийг дахин болон шинээр томилох, Эргэлтэд хувьцаа нэмж гаргасантай холбогдуулан Компанийн дүрэмд өөрчлөлт оруулах зэрэг асуудлуудыг хэлэлцсэн бөгөөд түүнчлэн “Монголын Үнэт Цаасны Бирж ХК-ийн 2022 он хүртэлх стратеги төлөвлөгөө”-г хувьцаа эзэмшигчдэд танилцуулсан.

Тайлант хугацаанд ТУЗ-ийн шийдвэрийн дагуу Компанийн зарласан хувьцаанаас 10 сая ширхэг хувьцааг эргэлтэд нэмж гаргаснаар нийт эргэлтэд гаргасан энгийн хувьцааны тоо 438.05 сая ширхэг, хувь нийлүүлсэн хөрөнгийн хэмжээ 4.3805 тэрбум төгрөгт хүрсэн бөгөөд шинээр хоёр хувьцаа эзэмшигч нэмэгдсэнээр нийт 24 хувьцаа эзэмшигчтэй болсон.

Төлөөлөн Удирдах Зөвлөл

Монголын Үнэт Цаасны Бирж ХК-ийн ТУЗ нь хувьцаа эзэмшигчдийн шийдвэрээр сонгогдсон 9 гишүүнтэй, эдгээрээс 3 нь хараат бус гишүүд юм. ТУЗ-ийн дэргэд ТУЗ-ийн гишүүдээс бүрдсэн тус тусын чиг үүрэг бүхий дэд хороод ажилладаг. Тайлант хугацаанд хэрэгжүүлсэн ТУЗ-ийн үйл ажиллагааны талаар товч танилцуулбал:

- ТУЗ-ийн хурал нийт 6 удаа, хороодын хурал 3 удаа хуралдсан.
- ТУЗ-ийн хурлаар нийт 18 асуудал хэлэлцсэнээс хуралд оролцсон саналын эрхтэй гишүүдийн олонхийн саналаар 16 тогтоол гарган баталгаажуулсан байна.
- ТУЗ-ийн гишүүдийн тоо 2017 оны төгсгөлд 8 байсан бол 2018 оны төгсгөл гэхэд 9 гишүүнтэй байна. ТУЗ-өөс энгийн 1 гишүүн чөлөөлөгдөж, энгийн 2 гишүүн шинээр сонгогдсон. Үүнд:
 - 03-р сарын 28-ны өдрийн ХЭХ-аар ТУЗ-ийн бүрэн эрхийн хугацаа дууссантай холбогдуулан бүрэлдэхүүнээр нь чөлөөлсөн,
 - Мөн хурлаар ТУЗ-ийн шинэ бүрэлдэхүүнийг сонгохдоо энгийн гишүүн Б.Түвшинг чөлөөлж, С.Цэрэн, З.Цэцэн нарыг ТУЗ-ийн энгийн гишүүнд шинээр сонгосон.



**МОНГОЛЫН
ҮНЭТ ЦААСНЫ БИРЖ**

Mongol Securities Exchange